



Bolo e nyametse



Ruth Legae





Pula e emisitse ho fafatsa. Nnapo le nnakae Raisibe ba thabile. Ba ilo bapala bolo lebaleng. Ntjanyana ya bona Ratauo o rata ho raha bolo le bona. Ba qala ho batla bolo.





Bolo e nyametse. Nnapo le nnakae Raisibe,
ba maketse.

Ratau o ba shebile. Ha ba tsebe hore ba qale
kae. “Re ilo e batla kae?” ho botsa Raisibe.



Ba e sheba ka tlasa moqomo wa matlakala.
Ratauo o ba setse morao. O ba thusa ho batla
bolo. Bolo ha e fumanehe!





Ratau o leka ho batlana le bolo. Ratau o leka ho tloa lebotana. Nnapo le nnakae Raisibe, ba a mo hoeletsa, “Kgutla, Ratau!”



Ratau o kgutlela morao. Raisibe a fumana leano. “Ke tla e sheba ka tlasa kolo.”





Raisibe a kgasetsa ka tlasa kolo ho batla
bolo.

Nnapo le Ratau ba ne ba sa mmone. O
kgutla feela. Diaparo di tletse seretse. Ha a
thaba. Bolo ha e fumanehe!



Ratau o leka ho tlola lebotana hape. Raisibe
le Nnapo ba mo hoeletsa hape. “kgutla
Ratau, o tla lemala. Ratau a kgutla. O
kgathetse haholo. Bolo ha e fumanehe!





Nnapo le Raisibe le bona ba kgathetse. Ba
dula fatshe lebaleng. Nnapo o bitsa Ntatae.
Ntate! Ntate! Bolo e nyametse!”



Ntata bona o sheba ka moqomong wa matlakala. Ratauo o mo setse morao. O hemela hodimo.





Nnete ke hore, bolo e nyametse. Ratau a ba le leano. Ratau a tlola lebotana. A tlolela ka ha moahisane. Raisibe le Nnapo ba sa mmone.



Ntate o ne a mmona. Nnapo o a botsa,
“Ratauo o kae?”

“O tlotse lebotana.” Ho araba ntate. “E tlo re
mo latele,” ho bua Raisibe.





Nnapo le Raisibe ba mathela ha moahisane.
Ba latela Ratau. Ba bona Ratau a eme pela
bolo. O a e bohola. “Hau! Hau!” Ratau o
bohola bolo.



Ahaa, bolo ke ena! Ratauo o fumane bolo.
Ratauo o fupere bolo ka molomo. Ba kgutlela
hae ba thabile. Raisibe o phaphatha Ratauo
hloho. A mo thoholetsa.





Ka mora sebakanyana, Nnapo a bitsa Ntatae. “Ntate, Ratauo o fumane bolo.”

“O e fumane kae?” Ho botsa ntate. “O e fumane ka jareteng ya moahisane,” Ho araba Nnapo.



Ntate a thaba le bona. Raisibe, Nnapo le
Ratau ba qala ho bapala bolo ka thabo. Ba
bapala bolo ba ba ba kgathala.

